

Nā Julia Ventura

Nō roto mai i te hō'ē 'ā'amu mau

« E 'utuāfare maita'i tō'u i te ao nei ».
(Te mau hīmene, 184).

« Mai 'a mau tō 'ā'ira. Haere
« Mana'e e e tāi'a ! » 'Ua parau
'o pāpā.

E mata 'ata'ata tō Hayden 'a
hi'o haere ai 'oia i teie vāhi. E mea
'ana'ana te mau mea ato'a 'e e mū
noa tei fa'aro'ohia. Nō rātou noa
teie roto tā'ato'a !

Haere atu ra Hayden 'e tōna
pāpā i muri i te pere'o'o 'e 'amo
mai nei te 'āfata rahi nō te mau
'āinu. E 'āfata teiaha, 'aita rā e fifi.
'Āhani te teiaha i tāta'ipiti, 'aita 'ia e
fifi mai te peu nō te haere e tāi'a nā
muri ia pāpā.

Tōtētē te mau 'ā'ira 'ia huti mai
pāpā i te reira. « 'Ā, 'ua ta'oto paha
Dan », 'ua parau 'oia. « 'A haere
na e fa'aara iāna ? »

Amuamu ri'i Hayden. « Nā
reira 'ia ».

Fātata roa i te mo'e iāna ē, 'ua
haere ato'a mai tōna teina 'o Dan.
Mea horo haere noa 'o Dan 'e te
paraparau pūai. E horo pauroa te
i'a iāna !

Hi'o a'era 'oia nā roto i te ha'amā-
ramarama. « Dan 'a ti'a ».

Tē ta'oto noa ra 'o Dan.

Feruri a'era o Hayden. Penei a'e
e ta'oto noa 'o Dan ē ho'i noa atu
mātou.

Ta'ita'i marū noa a'era Hayden i
te 'āfata 'āinu i tāhatai tei reira tōna
pāpā.

« Teie te mau 'āinu, te mau to'e 'e
te mau mea ato'a ».

Rave mai nei pāpā i te 'āfata. « 'Ua
oti roa, māuruuru ». Fāriu a'era pāpā.
« Tei hea tō 'oe teina ? »

Hi'o ihora Hayden i te pere'o'o.
'Ua mana'o a'era 'oia ē, e aha pa'i
tōna mana'o mai te peu e ara mai
'oia 'e 'o 'oia ana'e i teie vāhi 'āpi.

E 'ere i te mea maita'i, 'ua mana'o
'o Hayden. Inaha e ri'ari'a mau paha
'oia. Nā ni'a atu e pae noa matahiti
tō Dan.

« E haere au e hi'o pāpā. E'ita e
maoro ». I te haerera'a rā 'oia e hi'o
i roto i te pere'o'o, 'aita fa'ahou
'o Dan !

'Ore roa terā māniania mū o
te mau manumanu. Māmū te mau
mea ato'a.

« 'Aita Dan tō 'ō nei ! » 'Ua tuō atu
Hayden.

Horo mai nei pāpā i te pere'o'o
nō te hi'o haere.

« Tē 'imi ra paha 'oia ia tāua », 'ua
parau pāpā. « 'Aita i minuti. 'Aita 'oia
i ātea roa ».

Tāmata noa Hayden i te vai hau,
'aita iho ā, 'ua viri'ō roa tōna 'ōpū.
« E nehenehe ānei e pure ? »

« Tē mana'o nei au e mana'o
maita'i roa te reira ».

'Ua ha'amāuruuru Hayden i te
Metua i te Ao ra nō tōna teina ma te
ani atu 'ia 'ite-vitiviti-hia mai Dan e
rāua 'ia 'ore 'oia e ri'ari'a.

I te otira'a tāna pure, 'ua fa'aea te
māfatu o Hayden i te 'ōtu'itu'i pūai.

Tāpe'a a'enei te pāpā i te taponu
o Hayden. « 'Āhani 'o 'oe Dan ? I hea
'oe e haere ai ? »

Hi'o a'era Hayden, 'ua matara
noa te 'ōpani i terā pae mai o te
pere'o'o. Pāpū ē 'aita 'o Dan i 'ite
mai ia rāua i te pae tāhatai. Toro
ihora Hayden i tōna rima i ni'a i te
hō'ē 'ē'a nā piha'i iho. « 'Ia mana'o
vau, e haere au nā terā 'ē'a », 'o tāna
ia i parau.

Tāpapa a'era rāua nā terā 'ē'a.

Mai te huru ra ē, 'ua maorohia
te sētōni tāta'itahi 'e e mea teimaha.
'A haere noa ai Hayden, te pure
noa ato'a ra 'oia i roto i tōna 'ā'au.
Te tahi noa āteara'a i mua, tei te

hō'ē tī'oira'a rāua 'e tei mua ri'i noa
atu Dan.

« E Dan ! » 'Ua tuō atu Hayden.

Fāriu mai nei Dan 'e 'ata a'era.

« Tei hea 'ōrua ? »

Tere fa'ahou a'enei te hora i tōna
vitiviti. Horo atu ra Hayden ia Dan
ra 'e tauahi pūai ihora iāna.

« 'Ua 'oa'oa roa vau i te 'itera'a
ia 'oe », 'ua parau Hayden. Fa'ahiti
ihora 'oia i te tahi pure poto nō te
māuruuru o tōna 'ā'au.

'Ua 'ata noa mai 'o Dan. « Tei hea
te i'a ? »

« 'A haere mai, e fa'a'ite atu
vau ia 'oe », 'ua parau Hayden.

'Ua kirikiri tōna 'āvae i te horora'a
atu i tātahi. « 'Āhani na e hi'o tātou
nā vai e hī mai i te i'a mātāmua.

Nā'u e tauturu ia 'oe 'ia tāmāu
i te 'āinu. » ■

*Tē ora nei te ta'ata pāpa'i i Georgia,
i Marite.*

'Ua haere e tāi'a

*'Ua tīa'i maoro noa Hayden nō te
haere e tāi'a. 'Āhani pa'i 'aita Dan
i haere ato'a mai [...]*